

中國方志叢書·華中地方·第七七七號

據

清·陳蔭昌等修、石景芬等纂
清同治十三年刊本

影印

江西省

大庾縣志

(一)

成文出版社有限公司印行

重修大庾縣志序

庾邑據西江上游古稱險要宋以來文明漸啟亦儒雅邦也余乙丑莅任見乎山川形勝猶是而風景凋殘知爲痛創之後未知其典章文物率蕩然無遺也方欲求掌故以資治譜且爲續志詢邑人士無有應者嗣有人以道里圖進度廣輪不實求舊志愈亟益不可獲嗟乎秦火雖烈魯壁猶存顧獨無人焉出灰燼之餘抱殘而守闕更可慨矣維時戎馬倉皇興修未由今幸頻年大熟催科不勞而廢墜畢舉城濠旣浚祀典斯崇育嬰之費方籌課士之資再擴皆從前郡伯黃公後相與有成而修志之舉亦其一也

初無依據嗣由省購得舊志全集披閱一過始悉乾隆中

前邑令余公

光壁

錄從府志加以已裁規模始具迨咸豐

元年郡守汪公

報閏

續修二冊各爲一書汪志距今未久

然而戶口之登耗人文之微顯習俗之改移吏治之優絀
未可前後同觀就今所見二志余取備門類汪僅繼增雖
無異同具有得失其所簡畧多忽於近即如疆域廣狹道
路里數輿圖南北四正四隅按籍而求乃所志與前呈圖
同一舛訛釐正之責後烏可諉況二十年中數遭變故水
火刀兵之災忠孝節義之事言之動魄驚心失今不紀久
恐無徵至承平之後興復建置例以編年皆不可沒然則

討陳編輯新紀俾藏室仍稱完好踵事之增曷可少哉余
鑑前失每因公便親歷邊境詳諮父老故自繪輿圖按十
里一方大畧麤備然終爲幅限仍多刪簡茲役初延石芸
齋觀察徐晴軒別駕草創之繼延子功山長仙舫學博續
纂先後數年始成全稿將以次付梓其爲考古證今補亡
仍闕裁以義例綴以跋言具見苦心諸君子若任採訪若
任校對又能斟酌盡善襄成信書以告先鄉昭示來許非
徒爲余一人助理余幸素願之克酬竝爲此邦大典慶也
抑更有感焉昔我從祖香泉公以詩人守南安受事日淺
有惠政曾手輯郡志未竟後世猶稱之余修志差慰而碌

碌曠官不能及一物誦述先芬其滋惡也夫

同治十年辛未秋月即補同知知大庾縣事陳蔭昌謹序

續志汪序

余於庚戌孟夏來守南安下車之始卽行取各屬志書以備省覽惟大庾無以應緣志板早燬於火並舊刷亦無存者當此文獻就湮謂非守土者亟宜圖之乎因商之邑宰及兩學廣文搜求舊志久之始於故家子覓得一部蓋已絕無而僅有矣雖舊本不無殘闕模糊處而大體具備居然完書惟溯自乾隆戊辰修志之後迄今時逾百年其間嘉言軼事官舍既少文案可徵邑人又鮮紀事之作今欲續志仍如前志之綱舉目張不遺細末勢所不能猶幸道光初年有石

家紹

明府曾編輯續草一冊尙存堪爲依據

至近今三十年爲時未久邑人士尙有能記憶考徵者因
卽就所見聞復加采訪補纂於石明府續草之次共爲續
志二卷與舊志各成一書不使前後混淆其舊志中闕誤
處亦因仍之不敢妄逞臆見冀存真面目也夫志乘爲信
今傳後之書假所纂輯之始先不足以信今又烏能以傳
後哉故是役也秉筆者咸慎守此意而猶未敢自信所續
者果有當否用是別刻存之仍待後之君子論定若夫舊
志越百年而再新或庶幾乎不無抱殘守闕之功焉是則
重刊斯志之意云爾
咸豐元年辛亥初秋知南安府事

山陽汪報閏譔

續志楊序

自古邑有志猶國之有史師古曰志記也積記其事也蓋其事不過山川風俗人物政事其於今昔之異同人心教化之關係不記之無以知山川之不易無以徵風俗之淳薄無以見人物之盛衰無以考政事之得失入其境則茫然其何以供採覽資考鏡也哉顧邑志不可少尤不可廢也大庾之邑舊非無志閱今百餘年之久其間板籍湮沒欲復其初而卒未能究亦不得其人矣今桐階汪太守舉邑志事與明府廣文及邑人士遍搜遺志遺稿採訪增續不遺餘力未幾而書成曰大庾縣志二十卷曰續志二卷

雖無著述之見而舊者仍之蓋其慎也續者有則書之闕而不錄非畧焉以取信也太守之心如此太守之賢不止此也今得太守而大庾有是志則大庾有是志安可視爲易易哉覽斯志也不僅積記其事而已洵足以助後之修志者供採覽資考鏡焉是爲序咸豐元年辛亥秋月同知南安府事光澤楊正祥譔

續志袁序

丙午歲中丞吳甄甫先生議修江西省志延門下士蔣君子瀟爲總纂命余與黃少鐵明府左右其事會中丞移節浙中朱丹木觀察陳臬陝西其事旋止而檄提全省縣志粗得披覽惟大庾闕如附見郡志假使當藟草創有稿今余適宰是邑則踵事增修不難耳大庾爲五嶺之一以嶺名縣隋以前地志圖經皆不載事蹟唐張文獻鑿山通道風氣始開宋明人物始著

國朝乾隆初海禁盡撤洋貨駢臻四方貿遷絡繹南安府當江廣之衝遂成一大都會迄今百有餘年矣乾隆戊辰

續修志板久燬於火從故家購得一部字多殘蝕然尙稱
完書郡守汪桐階先生興廢舉墜籌款重刻邑人士將續
記二卷附刻於後夫舊志不增損一字缺者仍之慎也續
志簡畧姑剗刪存之勿使失遺亦慎也後日欲重修省志
停輜嶺北采訪諮諏較前此之無志而今有志且復有續
志編纂者力簡而事賅矣豈非良二千石與邑之士大夫
維持文獻之功哉咸豐元年歲次辛亥六月大庾縣知縣
袁翼謹序

舊志游序

朝廷一統志褒直省通志以成書而通志則採諸郡乘郡
又由縣志而集是縣志乃一統志之權輿也非得賢令尹
躬親纂修有志與無志等余竊見修志者設局立館張大
其役醵金鳩資延大夫士總裁校訂豐其廩餼寬其歲月
夫固謂大夫士生長茲土所見所聞足以傳信詎知日月
不改山河如故此中之愛憎取舍失實良多沿誤匪淺有
鑒於此者遠聘他邦碩望來主斯席風土各殊習尙未悉
祇繙閱舊帙徵求引啟大加潤色炫厥辭華人情貴耳賤
目輒頰首爲某處某名公手筆究於文獻奚當哉吾閩余

愚瑕來尹大庾七載念庾爲府領袖邑屏江西而通五嶺
縣志失修四十有八稔惄然者久余亦語愚瑕宜亟顧唯
唯若有待余意爲廉俸不能供館餼金錢不肯索士民他
邦牢邀肯顧此間老成凋謝也乾隆戊辰秋忽袖稿商訂
於余余不禁詫且喜繙閱再四其星野氣候沿革疆域則
經天官地理而緯史鑑也其城池學署倉庾兵防戶口田
賦貢稅庸調職官選舉祠墓人物則今昔存亡變易盛衰
瞭然在目也若夫山川都鄙風俗人情土宜物產則皆邑
侯數年中楫屐所經風雨所履父老子弟牧豎樵童所爰
諮而爰諏也信者仍之疑者闕之亡者補之正省郡志之

傳訛或聞出已見綴以識跋留叅後人嗚呼是可以傳信
矣尙有徇私失實徒炫辭華之病哉吾故曰志必得賢令
尹親修也思瑕余齊年友學問冠吾鄉幸同官爲僚故質
言叙其大凡至自捐俸錢召匠尤爲牧令所難云乾隆十
有三年秋月梅花郡長游紹安撰

育三平林氏林氏林氏林氏林氏

言除其大且至自群者發召列大錄外今視錄云諱劉士
氏縣劉也思進余齊平文學問取吾德幸同官余對姑蘇
矣尚育德林夫實封劉華之祿諸吾姑曰志必耕實合
斯語而問出曰見錄以歸通留聚對人即知長可以斯言

舊志余序

縣志彙縣之土地人民政事爲一書傳往昔所以詔來茲也守土之官惟知縣爲難亦惟知縣爲易度司百職之政事畢舉而責一人不可謂非難而土地人民不甚遼廓一人聞見所得而周則又易爲理也士人學古入官苟不智昏于欲意蔽于私亦孰不以安民爲事然當閉戶讀書皆謂天下之大坐理有餘及一試之彈丸黑子則茫然失措非憚其難而苟且偷安卽忽其易而紛更滋擾動輒得咎比比皆是其盡才智有所不及哉南北異趨古今異尚燥濕異宜剛柔異性迷於其方未有不失其道也今夫適異

國者必先考其道途所經若村墟若都邑若城郭郵舍津梁以至山川草木厯厯如在目中然後水行舟陸行車投之所向得以不迷治邑何獨不然縣志一書固知縣事者之舟楫車轍及適遠之圖經也知前事可師不敢忽爲易成效可圖不敢諉爲難如烹小鮮勿割其鱗如牧羊然視其後而鞭之夫焉有不就理哉章帝詔曰安靜之吏惓惓無華日計不足歲計有餘如襄城令劉方吏民同聲謂之不擾雖未有他異斯亦殆近之矣馮道謂人曰吾嘗爲劉君僚佐觀其爲政無以愈人非能減其租賦除其徭役也但推公廉心愛之心以行之耳爲政無以愈人吏民謂之